

Txirritola

ARAMAIO / Barikua / 2003ko martxoaren 14a / 57. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Zenbait abere-buru kalteak sortzen dabilta mendian

UBANE MADERA

Ganaduak Aramaioko basoetan kalteak egiten dituela-eta, ganaduzaleei oharra bidali die Udalak. Ganadua behar bezala zaintzeko eskatzen die.

Udalaren oharrean esaten dutenez, zuhaitzak landatu dituzten udal mendietara eta lursail partikularretara sartu izan da ganadua urtetan. Are gehiago, hesiekin itxitura eginda zuten lursailetatik aterata behar izan dituzte abere-buruak behin baino gehiagotan. Batez ere aurtengo neguan.

Kontua da abereek kalteak sortzen dituztela sartzen diren leku horietan: landareen kimuak jaten dituzte, landareak zapaltzen dituzte... Eta Aramaioko Udalak kexuak jaso ditu horregatik. Gainera, zuhaitz landatze horiek duten balioa kontuan hartu behar dela dio Udalak.

ABISUA, ETA GERO ISUNA


Horregatik guztiagatik, Udalak uste du "ez dela legezkoa hainbat ganadu jabek duten jokoera, euren abere-buruak besteen lursailetan sartzen uzteagatik".



Zuhaitz horietako batzuk Zuhaitz Egunean landatzen dituzte.

Hori dela eta, Udalak abere jabeen euren aziendak ondo zaintzeko eskatu die ohar baten bitartez, "zuhaitz-landaketetan sar ez daitezen". Gainera, jakinarazi die eskatutakoa bete ezean "Aramaioko Udalak neurri zehatzak

hartu beharko dituela eta Foru Aldundiko Mendi Zerbitzuarekin batera gaur egun indarrean dagoen Mendietako Foru Araua betearaziko duela, eta, hortaz, han zehazten diren isunak eta zigorrak ezarri".



Emakumeen aldeko ekimenak

Ondo asko ospatu zuten Emakumearen Eguna Aramaion. Itur Zuri elkarteak GOITBri esandakoaren arabera, gustura gertatu dira jendearen parte-hartzearekin. Euren esanetan, argi dago emakumeak aurrera doazela, eta horrelako ekimenak antolatzea onuragarria da. Argazkian kafea eta pastak hartzen harrapatu ditugu, eguneko filma ikusi aurretik.

HERRITARRENHITZA/Yago Goronaeta • Langilea

Michael Jackson dela-eta

Akaso joan den asteko astelehenean ikusiko zenuten telebistan azkenaldian prentsa orokorraren atentzia bereganatzen duen aurpegi berezidun animalia hori. Ia naturaz gaindiko munstro antzeko horrek sortu duen ikusmira bere aberastasuna bezain neurri kanpoko da.

Bere eguneroko bizimoduaren zati bat erakusten zuen erreportajearen, bere medio naturalean ikusi ahal izan genuen; *Neverland* izeneko jolasparkean, zuhaitz zahar bat, hori guzti hori bere sakelatik eta eskura ordainduta.

Ume arima zuela kontatu gura izan zigun, akaso sekula ezin izan delako ume izan.

Sakrifizio horrek gizarte honetan asko miresten den zera eman zion: ospea, dirua eta talentua. Irabazlea da, baina, oso prezio garestiaren truke. Zelanbait, ahul dagoela jakinda, Michael Jacksonek hori erakutsi gura izan zuen, modu patetikoan, pisu hori kendu gura izango balu moduan edo akaso zerbaitetaz konbentzitu gura izango bagintu moduan.

Askok gustuko izan zituzten bestelako ankerkeriez gain, zein zorigaitzokoa den erakutsi



"Sortu zuen gizarteak berak baztertu egin du"

zuen, izan ere, umetan gauza material guztiak izan bazituen ere, afektibotasunari dagokionez, gabezia handiak izan ditu txikitatik.

Erreportaje osoan zehar, bera eta esaten zuen gauza bakoitza inguratzen zuen bakardade aura igarri nuen.

Ziur nengoen, baita ere, dagoeneko lortu ez badu ere, duda barik laster FREAKS-en rankinean sartuko dela horri esker, jendearen gozamenerako. Erreportajearekin ez nau hobea denaz konbentzitu, baina, nire

errespetua merezi du.

Dirudienez, gizonetzko horrek txikitatik egin du berarengandik espero zutena. Onena izateko hezi zuten. Bere kasua muturrekoa da. Baina zein punturaino? Zenbat gurasok behartzen dituzte euren seme-alabak onenak izatera norberaren harrokeriarengatik?

Jende askok dio Michael gaixorik dagoela, baliteke, baina, gizarte honek izan gura duena eta benetan dena erakutsi du. Frankeinsteinen munstroaren moduan, sortu zuen gizarteak berak baztertu egin du, eta nik neuk nahiago ditut munstroak, nahiz eta akatsak izan, zintzoagoak izan ohi direlako.

LABUR

Fusilatutakoen gaineko informazio bila dabilta

36ko gerran fusilatutako edo desagertutako senideen gorpuen bila dabilta zenbait senide. Horien artean, Juan Larrea Lacruz antzuolarraren senideak ere badira. Kontua da antzuolarraren senideei orain dela urte dezente emandako informazioaren arabera, Juan Larrea Lacruz Aramaioren eta Legutianoren arteko arakaren batera bota zutela, fusilatu eta gero. Baina oraindik ezin izan dute haren gorpua berreskuratzea. Hori dela eta, norbaitek zerbait gogoratuz gero, Aramaioko edo Arrasateko udallexera joateko eskatu gura diote.

TELEFONO JAKINGARRIAK

OSASUNA / LARRIALDIAK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiaiko Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629.54.59.23

OHARRAK

ARETO FUTBOLEKO EMAITZAK

Gogor ibili dira azkeneko partiduetan Bañera elkarte-ko hiru taldeak. Hirurek garaipena ekarri dute etxera, eta ez edozelakoa, gainera: gazte mailako taldeak 2-6 irabazi zion Cafeteria Atenea taldeari, Kopa Txapelketako aurreneko partiduan; kadete mailako mutilek 11-3 irabazi zioten El Campillo-ri; eta neskek 10-2 nagusitu ziren CD Aurreraren kontra. Bihar, berriz, gazte mailako taldeak Aramaion jokatu-ko du, 11:30ean, Izarra Gorri taldearen kontra; kadete mailako mutilek Abetxukon dute partidua, 10:00etan, Baro-Caloren kontra; eta neskek Jesus Obreron jokatu-ko dute, 11:30ean, Jesus Obreroren kontra.

ZINEMA

101 Dálmatas 2 filma emango dute.

1936KO GERRA DELA-ETA

1936ko gerran desagertutako eta fusilatutako omenez, besteak beste, erakusketa izango da Aramaion, maiatzaren 4an, Sastiñan.


GIZARTEA

Hamalau izenarekin aurkeztu zuten herriko talde ezkertiar berria

Gernika Deialdiarekin bat eginenez, Hamalau izeneko taldea sortu dute Aramaion. Domekan egin zuten aurkezpena, besteak beste, herriko trikitilariak, bertsoariak eta txalapartariak lagunduta. Ekitaldian adierazitakoaren arabera, Hamalau izena ipini diote talde horri, Aramaiok dituen 14 auzo-ak aintzat hartu dituztelako. Era berean, taldearen nondik norakoak azaltzen dituen manifestua irakurri zuten ekitaldian. Besteak beste, Euskal Herriak urtetan jasan dituen erasoak salatu zituzten manifestuan, baina, etorkizunari begira, eta Hamalau moduko taldeei esker egoera latz hori aldatzeko aukera badagoela ere adierazi zuten. Manifestu berezia izan zen, olerki modukoa.

LAU PUNTU

Lau ideia nagusitan oinarritu dute Hamalau plataforma: ideia guztien errespetua, autodeterminazio eskubidea, eta euskara defenda-



tzea. Hori guztiori ikuspuntu ezkertiarretik hartuta. Hain zuzen ere, lau puntu horiekin bat egiten duten herritarrei taldean parte hartzeko deia zabaldu zieten domekako ekitaldian. Eta, ekitaldia- ren ostean herritar dezentek eman zuten plataformaren aldeko atxikimendua.

Antolatzaileen arabera, ezkertiar izatea ezinbestekoa da plataformak defenditzen dituen lau puntuak onartzeko. Euskal

Herriaren aurka egiten dabilzan erasoak, batez ere, ezkertiarren kontrakoak direla-eta, ezker abertzaleak laguntza berezia behar duela ere gaineratu zuten. Hain justu, taldeko kide Juanito Sazarren esanetan, "herriaren bizia nahiaren zerbait da" talde berria. "Alde guztietatik itotzen hasita gaude, baldintza mordoa daude, gero eta muga gehiago, batez ere lege aldetik eta indar errepresiboen aldetik".

BOTEPRONTOAN/ Arantza Uriarte · Aramaioko Gazte Abesbatzako zuzendaria

"Musikak, poztasun handia emateaz gain, pertsona moduan aberastu egiten zaitu"

Gazte Abesbatza sortu berri da. Arantza Uriarte zuzendariaren gidaritzapean dihardute gazte abeslariak. Hain justu, Arantzarekin berbetan guran gara, taldearen berri jakin guran. Arantza arrasatearra da. Esperientzia zabala du abeslari moduan: Bilboko Koru Elkartean abesten du, Arrasateko parrokiako abesbatzan parte hartzen du (emakume taldearen zuzendaria da), bakarlari moduan jarduten du eta kantu irakaslea da.

Zelan iritsi zara Aramaiora? Aramaion denbora zeramatzen gazte abesbatza sortu nahian, gero, nagusien abesbatzarako harrobia egiteko. Leku askotan ibili ziren norbaiten bila eta azkenean niregana etorri ziren Gurutze Uribarren organo-jolearen bitartez. Baiezkia eman nien, baina, baldintza batzuekin: beste konpromiso batzuk ditut, saioak... Haien arabera etorri ahal izango nintzen Aramaiora. Horrela, lanean hasi ginen, iraila-urria aldera. Gabonetarako kantuak prestatzen hasi ginen. Eta, Olentzero egunean abestu genuen. Uste dut ondo atera zela. Jendea harritu egin zen. Ez zuen espero horren denbora laburrean horrela abesteko gauza izango zirenik.



"Abesbatzan parte hartzeko abesteko gogoak besterik ez da behar; beste guztia nik erakusten diet"

Eta, orain ere lanean segitzen dugu. Asmoa da maiatzean Arrasateko topaketetan parte hartzea. Eta, topaketarik ez bada, ikasturte bukaeran zerbait egiteko asmoa dut. Ezin dena egin da gazteak lanean ipini inolako pizgarri barik. **Talde polita duzu Aramaion?** Oraingoan, 15 neska-mutiko. Baina, lan polita egiteko, kopuru bikoitza-edo beharko genuke: 30 bat lagun. Horrela hamar lagun izango ziren korda bakoitzeko, hiru ahots lantzeko. 24-30 lagun arteko taldea izango zen egokiena. Gainera, taldeko hiru mutil ahotsa aldatzen dabilta, hortaz, horiek, gaur egun, ezin dute larregi egin. Oso interes handia dute, teknika lantzen segitzen dute, baina, oraingoan, ezin dute abestu. Edozelan ere, jende guztia gonbidatzea gura dut; edozein etorri daiteke. 10-20

"Umeak jakin egin behar du konpromiso bat hartzen badu bete egin behar duela"

KIROLAK

Paleta Txapelketa finalerdietan da, eta bizpahiru aste barru bukatuko da

Oraingo asteburuan hasiko dira Paleta Txapelketako finalerdietako partiduetak. Joan den asteko partiduen ostean, lau bikote sailkatu dira: Urria-Pérez, Garaita-Flores, Arriolabengoa I.a-Azurmendi eta Barandiaran I.a-Oianguren.

Horrela, bada, txapelketako finalerdia hiru partidutara izango dira. Hain justu ere, bihar, zapatua, 09:00etan jokatu-ko dute lehenengoa: Urria-Pérez bikoteak Barandiaran I.a-Oianguren bikotearen kontra jokatu-ko du. Eta 10:00etan jokatu-ko dute beste bi bikoteak.

Paleta Txapelketa bizpahiru aste barru bukatuko dela jakinarazi digute. Iaz moduan, aurtun ere sariak banatzeko ekitalditxoak egingo dute txapelketaren amaieran. Besteak beste, txapelak eta trofeoak emango dizkiete irabazleei. Eta sariak banatu ostean lancha egiteko asmoa dute.

urte arteko ume guztiek parte har dezakete. **Baina, zerbait berezia jakin beharra dago, solfeoa edo?** Abesteko gogoak besterik ez da behar; beste guztia nik erakusten diet: solfeoa, teknika... Azken baten, solfeorik ez jakin arren, abestiak asko errepikatzen ditugunez... musikarako sen ona badu hobeto. Zorionez, Euskal Herrian jendeak musikarako sen ona dauka, batez ere, hizkuntza bi batera erabiltzen ditugulako. **Talde hau nagusien taldearen harrobia izango dela esan duzu.** Jendea nagusitu ahala nagusien abesbatza osatu gura dute. **Aberasgarria da horrelako zerbaitetan ibiltzea, ezta?** Musikak poztasun handia emateaz gain, pertsona aberastu egiten du: horrelakoetan diziplina ikasi behar dute, lotsa kentzen die, egoten erakusten die eta konprometitzen eta konpromiso hori betetzen ere erakusten die. Umeak jakin egin behar du konpromiso bat hartzen badu bete egin behar duela. Pertsona moduan hobetzen laguntzen die. **Zu pozik zaude?** Oso pozik. Izan ere, ni konprometitzen banaiz, buru-belarri sartzen naiz.